


Dat tweete Kapittel.

(Wie in'n Jahr 1848 to Buztehude de „Politische Füerklubb“ stiftet worden. Wie de Barbeer, as Hauptredner darin, domals as'n ganz rohder Republikaner sikk zeigt; wie awer, nah 1850, as de Reaktschoon wedder hoch kummt, ook disse Klubb wedder inlenkt, un ünner dat Ministerjum Borries de Barbeer so ümsleit, dat he sogar eenen Polezeideener as Ehrenmitgled vörslaen will, dem sikk jedoch de Bullmeier Swinegel weddersettet. Worüm de beiden Klubb-Mitgleder, de Barbeer un de Swiensnieder, so boshaftig un sühsch up enanner sünd. Wo so nah de Annektschoon van 1866 de Klubb wedder polittsch ward un ook de Barbeer wedder Kurassh kriggt. Dat en Brees an den Swinegel uut Paris kummt in'n Summer 1869, un drup de Klubb to 'ne geheeme Sizing tosamen beropen ward.)

 As im Fröhjahr 1848 ook in'n Lanne Hannover eene Revolutschoon to Stanne kööm, wobi jedoch Allens ahne Blootvergeten afgüing, wodorch awer de Hannoveraners nu veele nee'e polittsche Freeheiten kregen, ünnern Ünnern ook, dat se nu polittsche Vereine un Klubbs stiften un drin so veel räsonneren kunnen as se wullen, un sikk nu in fast allen grööteren Städten Vereine un Klubbs bilden dähen, da wöör denn ook de Stadt Buztehude nich darmit torügge blewen. Awer nich bloot in'r Stadt Buztehude sülvst harren se'n polittschen Klubb stift't, sündern sogar in dat Wördorp van Buztehude, wat de „Bullen-